



Pou Piblikasyon Imedya: 27/04/2021

GOUVÈNÈ ANDREW M. CUOMO

GOUVÈNÈ CUOMO ANONSE YO TE ADMINISTRE 500,000 VAKSEN NAN SIT VAKSINASYON AN MAS JAVITS CENTER A

Youn nan pi gwo kantite vaksinasyon ki fèt nan nenpòt sit nan peyi a

Gouvènè Andrew M. Cuomo te anonse jodi a ke yo te administre 500,000 vaksen nan sit vaksinasyon an mas nan Jacob K. Javits Convention Center nan Vil New York - youn nan pi gwo kantite vaksinasyon ki fèt nan nenpòt sit nan peyi a. Sit vaksinasyon an mas nan Javits Center a te monimantal nan efò vaksinasyon Eta New York la Sit la te premye ouvè nan dat 13 janvye 2021 e li te fè pati yon pwogram pilòt ki te fèt nan mas pou administre vaksen yon sèl dòz Johnson & Johnson lan pou Nouyòkè ki kalifye yo pandan lè lannwit, ki chanje an operasyon 24/24 pou facilite randevou siplemantè yo. Plis pase 13,000 vaksen te administre nan sit Javits Center a pandan yon peryòd 24 èdtan sou de jou nan mwa mas la - meyè pèfòmans nan yon sèl jou nan yon sit vaksinasyon nan peyi a.

"N ap travay ak pwofesyonèl swen sante ak volontè nou yo san rete pou bay kantite vaksen ki posib nan bra yo, nan fason ki pi rapid ke posib, epi pouvantaj vaksinasyon nou an ap kontinye ale nan bon direksyon an", **Gouvènè Cuomo te deklare.** "Sit vaksinasyon an mas nou yo te enpòtan anpil nan efò nou pou vaksinen chak Nouyòkè, epi sit la nan Javits Center new Vil New York te atenn yon etap ki enpòtan pou bay 500,000 vaksen - kantite ki pi elve nan nenpòt sit nan peyi a. Siksè sit sa ak lòt sit atravè peyi a se prèv ke efò nou ap fonksyone epi mete nou pi pre pou defèt COVID la yon fwa pou tout epi restore yon sans nòmalite."

Eta New York Kontinye ap eleji elijibilite pou vaksen an ak rann li pi fasil pou Nouyòkè yo pran vaksen an. Pi bonè jodi a, Gouvènè a te anonse ke apati jedi 29 avril, tout sit vaksinasyon an mas Eta New York yo ap fasilite vizit san randevou pou adilt ki kalifye yo. Vizit san randevou yo rezève pou premye dòz yo sèlman epi dezyèm dòz yo dwe pwogramme otomatikman apre administrasyon premye piki a. Anplis, yo ankouraje tout founisè vaksen yo pou pèmèt vizit san randevou epi eliminate lòt baryè pou vaksinasyon yo pou Nouyòkè ki kalifye yo.

Nan dat 29 mas, Gouvènè Cuomo te anonse yon nouvo ekspansyon elijibilite vaksen COVID-19 la nan New York. Kòmanse nan dat madi 30 mas, tout Nouyòkè ki gen laj omwen 30 an te vin kalifye pou resevwa vaksen an. Kòmanse nan dat 6 avril,

kalifikasyon inivèsel la te antre an vigè epi tout Nouyòkè ki gen laj omwen 16 an kalifye pou pran yon vaksen.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)